



WEEK 2:

Die kruise wat ons moet dra

Matteus 16

Inleiding

“Our faith begins at the point where atheists suppose that it must be at an end. Our faith begins with the bleakness and power which is the night of the cross, abandonment, temptation, and doubt about everything that exists!”

(Jürgen Moltmann, in *The Crucified God*, p 31)

Hoe dink julle kon Jesus se kruisiging gemaak het dat mense sou ophou glo in Hom?

Waar in jou lewe het jy al God-verlate gevoel? Watter impak het dit op jou geloof gehad?

Agtergrond

Jesus se uitdaging is baie duidelik dat as ons Hom wil volg, dat ons bereid sal moet wees om ons kruise te dra. En dit is nie 'n gemaklike opdrag nie, want Jesus dra sy kruis na Golgota toe waar Hy gespot is, verneder is, ervaar wat dit is om deur God en mense verlaat te word en uiteindelik dood gemaak te word.

Dalk gaan ons baie gemaklik (te maklik) om met Jesus se kruis, of in ander woorde het ons moontlik al so gewoon geraak daaraan dat die geweld en gruwel en pyn en God-verlatenheid daarvan ons nie meer so raak nie.

Lukas 9:23 *“As iemand agter My aan wil kom (My wil volg), moet hy homself verloën, elke dag sy kruis opneem en My volg...”*

Hoekom dink julle is dit vir ons baie moeilik om ons kruise te dra?

Watter kruise dra jy?

Skriflesing: Lees MATTEUS 16:13-16

- ❖ **Wie sê Petrus is Jesus in v 16? En waarom dink jy is dit so belangrik om hierdie belydenis te maak?**

- **As jy moet verduidelik wie Jesus vir jou is, wat sal jy sê?**

- ❖ **Maar hierdie belydenis is nie genoeg nie**, want in v 23 berispe Jesus vir Petrus en noem Hy hom “Satan”. Hoekom dink julle is dit nie net genoeg om net die regte antwoorde, belydenis, kennis te hê nie? Hoekom kan dit juis gevaarlik wees en 'n struikelblok wees in ons geloof? Wat dink julle het kruisdra hiermee uit te waai?

*Dit is belangrik om by die punt te kom waar ons dit wat ons glo en bely en weet leef.
En om ons kruise te dra dwing ons om afhanklik te word van God*

❖ **Die kruise wat ons dra, verstaan ons soms as:**

1. **Heavy goed in ons lewens** (*onthou die kruis was swaar!*) – sake wat bv tussen my en God staan, wat keer dat ek groei of gehoorsaam is, waarmee ek God sal moet vertrou. **Watter heavy goed is in jou lewe?**
2. **Daaglikse verantwoordelikhede en pligte.** Soms hoor ek mense sal sê: *“Dit is maar my kruis om die huis skoon te maak.”* Hoekom kan ons met redelike sekerheid sê dat dit nie is waarna Jesus se opdrag om kruis te dra, verwys nie?
3. **Resultate van stupid goed,** verkeerde keuses wat ons aangevang het. Hierdie reultate het soms ‘n groot impak op ons, maar dit was gewoonlik ons eie toedoen.
4. **Ons gewone daaglikse uitdagings** – by die werk, met ons kinders, ons finansies, verhoudings.

❖ **Om kruis te dra, neem ons altyd terug na die betekenis van Jesus se kruis. Maak ‘n lys van alles wat julle dink Jesus deurgegaan het met sy kruisiging, wat dit Hom gekos het, wat Hy gely het, watter prys Hy betaal het. Kyk of julle 6 kan noem (*daar is natuurlik baie meer!*).**

- a.
- b.
- c.
- d.
- e.
- f.

❖ **Gaan nou weer deur julle lys. As Jesus ons roep om kruis te dra, hoe moet hierdie selfde sake waar word in ons lewens? Raak baie prakties.**

- a.
- b.
- c.
- d.
- e.
- f.

Ons uitdaging is: (works)

- i. Wat het jy nodig om op te tree soos Jesus aan die kruis? Lees 1 Korintiërs 1:18
- ii. Waarmee challenge jy jouself hierdie week? Wat is daar wat jy kan gaan doen wat jou werklik iets gaan kos?
- iii. Watter belofte uit hierdie gedeelte gaan jy hierdie week aan vashou?

Ons bid vir: (worship)

1. Noem een saak uit hierdie gedeelte wat jy geleer het en wat jou die meeste challenge en vra die groep om vir jou daarvoor te bid.
2. Dank die Here vir sy voorbeeld en die uitdaging wat dit vir ons inhou, asook vir sy belofte dat Hy aan die kruis vir ons sterf.